



Bókasafn



Héraðsskjalasafn



Upplýsingamiðstöð

## Ársskýrsla 2022

Gerð í janúar 2023

Hrönn Hafþórsdóttir  
forstöðukona Bóka- og héraðsskjalasafns Fjallabyggðar

## Efnisyfirlit

<b>Bókasafn Fjallabyggðar</b> .....	3
Þjónusta, hlutverk og meginmarkmið.....	3
Starfsfólk Bókasafns Fjallabyggðar 2022.....	3
Húsnæðismál.....	4
Rekstur safnsins og fjárveitingar .....	5
Safnkostur .....	5
Flokkun og skráning .....	6
Gestir .....	7
Helstu verkefni ársins 2022.....	8
Viðburðir og sýningar.....	9
Lokaorð .....	9
<b>Héraðsskjalasafn</b> .....	10
Þjónusta, hlutverk og meginmarkmið.....	10
Húsnæðismál.....	10
Rekstur og fjárveitingar.....	11
Mannauður .....	11
Helstu verkefni .....	11
Lokaorð .....	13
<b>Upplýsingamiðstöð ferðamála í Fjallabyggð</b> .....	14
Rekstur og fjárveitingar.....	14
Ferðamenn .....	15

## Bókasafn Fjallabyggðar

Þjónusta, hlutverk og meginmarkmið

Bókasafn Fjallabyggðar er upplýsinga- og menningarstofnun sem starfar samkvæmt gildandi lögum um almenningsbókasöfn, yfirlýsingu Menningar- og vísindastofnunar Sameinuðu þjóðanna (Unesco) um almenningsbókasöfn og menningarstefnu Fjallabyggðar. Markmið þess er að vera íbúum bæjarins miðstöð upplýsinga, menntunar, menningar og afþreyingar með því að bjóða upp á aðgengi og útlán á fjölbreyttu úrvali bóka og tímarita auk stafrænna upplýsinga. Aukin áhersla er lögð á barnastarf, þ.á.m. sögustundir, safnkynningar, þjónustu við leik- og grunnskóla, skipulagða menningarstarfsemi fyrir almenning og góða aðstöðu til náms.

Afgreiðslutími

1. september – 31. maí: Opið virka daga frá kl. 13.00 -17.00
1. júní – 31. ágúst: Opið virka daga frá kl. 09.00 – 12.00 og 13.00 - 17.00.

Starfsfólk Bókasafns Fjallabyggðar 2022

Á bóka- og héraðsskjalasafninu auk Upplýsingamiðstöðvar eru fjórir fastráðnir starfsmenn í rúmum þremur stöðugildum. Forstöðukona er í 50% starfi í bókasafni og 50% starfi við héraðsskjalasafn. Þjónustufulltrúi, Ólafsfirði er í 90% starfi við bókasafnið og 10% við Upplýsingamiðstöð ferðamanna. Þjónustufulltrúi, Siglufirði er í 50% starfi við bókasafnið, 15% við héraðsskjalasafnið og 10% við Upplýsingamiðstöð ferðamanna. Einnig sinnir hún þrifum. Skjalavörður er í 50% starfi.

Einn starfsmaður var ráðinn í sumarafleysingar á Upplýsingamiðstöð og leysti hann einnig af sem bókavörður á báðum söfnum þ.e. á Ólafsfirði og á Siglufirði.

## Starfsmenn árið 2022

Stöðugildi	Bókasafn	Héraðsskjalasafn	Upplýsingamiðstöð
Bylgja Hafþórsdóttir	50%	15%	10%
Gíslný Halldóra Jónsdóttir		50%	
Hrönn Hafþórsdóttir	50%	50%	
Vilhjálmur Hróarsson	90%		10%
Sumarafleysingar 1. júní- 31. ágúst Eva Hrund Unnarsdóttir			Tímavinna

### Húsnæðismál

Bókasafnið í Ólafsfirði er til húsa að Ólafsvægi 4 (gamla stjórnarsýsluhúsinu). Neðri hæð hýsir nýjar og nýlegar bækur ásamt afgreiðslu og á efri hæð eru eldri bækur, setustofa og fundaraðstaða. Hluti efri hæðar og anddyri er samnýtt með stjórnarsýslunni. Breytingar urðu litlar sem engar á árinu og nú þegar safnið hefur verið til húsa á Ólafsvæginu síðan 2014 er húsnæðið og hillupláss löngu sprungið. Nauðsynlegt er að gera ráðstafanir til að betrubæta aðstöðu fyrir gesti bókasafnsins þar.

Bókasafnið á Siglufirði er til húsa að Gránugötu 24 eins og verið hefur allt frá því árið 1964. Meirihluti hillubúnaðar og húsgagna bókasafnsins er jafngamall . Gegnum árin hafa verið keyptar notaðar Softline hillur, stæður sem standa á gólfi og gömlum stæðum fækkað. Hillubúnað og húsgögn þyrfti að fara að taka í gegn og laga.

## Rekstur safnsins og fjárveitingar

Rekstargjöld bókasafns árið 2022 með tilliti til tekna voru **29.032.169** en áætlun gerði ráð fyrir kr. **32.111.193**. Megin skýring á rekstarafgangi er lægri launakostnaður og lægri húsaleiga en gert var ráð fyrir í áætlun. Rekstrargjöld bókasafns 2021 með nýtingu tekna voru kr. **29.319.644** en áætlun ársins gerði ráð fyrir kr. **29.778.838**. Eins og áður hefur verið reynt að halda niðri kostnaðarliðum eins og mögulegt er til að mögulegt sé að mæta óhjákvæmilegum framúrkeyrslum í sumum liðum.

### Gjafir til Bókasafns Fjallabyggðar

Ákveðið var árið 2019 að hætta að taka við gjafabókum að sinni. Ástæðan er fyrst og fremst sú að búið er að skipta út þeim bókum sem þurfti. Önnur ástæða fyrir að hætt var að taka við bókum eru fyrirmæli Landskerfis um að afskrifa bækur sem ekki er nauðsyn að eiga. Með þessu vilja þau minnka álagið þegar gamla bókasafnskerfinu verður skipt út fyrir nýtt. Þó höfum við á þessu ári tekið við þeim bókum sem við teljum okkur þurfa. Einnig fáum við reglulega gefins púsl sem við seljum ódýrt og er peningur sem fæst fyrir það notaður til að kaupa ýmislegt sem safninu vanhagar um. Sem dæmi má nefna að öll gulu húsgögnin sem keypt hafa verið á barnadeildina Siglufjarðarmegin eru keypt fyrir þann pening. Jólaskraut, hnífapör og fleira smálegt hefur líka verið keypt. Fengum gefins á árinu 2.5 metra háan flöskupálma og bætist hann við flórana sem fyrir er á bókasafninu.

### Safnkostur

Safnkostur sem skráður er í Gegni- samskrá bókasafna var:

#### Í desember 2014

Bókasafnið Siglufirði, 20.438 eintök – Bókasafnið Ólafsfirði, 14.895 eintök

#### Í desember 2015

Bókasafnið Siglufirði, 24.828 eintök - Bókasafnið Ólafsfirði, 15.437 eintök

#### Í desember 2016

Bókasafnið Siglufirði, 27.064 eintök - Bókasafnið Ólafsfirði, 15.806 eintök

#### Í desember 2017

Bókasafnið Siglufirði, 31.116 eintök - Bókasafnið Ólafsfirði, 16.457 eintök

### Í desember 2018

Bókasafnið Siglufirði, 31.976 eintök - Bókasafnið Ólafsfirði, 16.791 eintök

### Í desember 2019

Bókasafnið Siglufirði, 30.743 eintök - Bókasafnið Ólafsfirði, 17.154 eintök

### Í desember 2020

Bókasafnið Siglufirði, 30.092 eintök – Bókasafnið Ólafsfirði, 17.392. eintök

### Í desember 2021

Bókasafnið Siglufirði, 30.442 eintök – Bókasafnið Ólafsfirði, 17.342 eintök

### Í desember 2022


**Liggur ekki fyrir þar sem ekki er hægt að draga tölfræði út úr nýja bókasafnskerfinu, þ.e. þegar þessi skýrsla er gerð. Breytist vonandi með tímanum.**

### Flokkun og skráning

Skráningu eldri safnkosts **lauk á árinu 2017** og bætist eingöngu við gjafabækur og nýútkomnar bækur.

Útgefnar bækur á árinu 2022 samkvæmt Bókatíðindum voru ríflega 700 talsins. Á meðan gamla bókasafnskerfið var í notkun var hægt að draga út fjölda nýrra bóka og tímarita, en því miður er það ekki möguleiki í nýja kerfinu, ekki enn sem enn sem komið er allavega.

## Gestir



Í nýja bókasafnskerfinu er ekki hægt að sjá fjölda virkra lánþega, né fjölda útlána og er það miður. Við teljum alla gesti sem koma á safnið og verður það að duga að sinni.

Samkvæmt talningu voru lánþegakomur á árinu 2022 **5.746** (S 3.705/Ó 2041). Inni í þessum tölum eru einnig aðrir gestir þ.e. skólahópar í safnfræðslu, leikskólahópar, mömmumorgnar og gestir á hannyrðakvöldunum vinsælu. Einnig má telja víst að samdráttur í gestakomum sé líka að hluta til komin vegna Storytel sem er rafbókaveita þar sem gestir borga ákveðið gjald á mánuði og geta hlaðið niður rafbókum að vild. Gestir sem sóttu Upplýsingamiðstöðina eru **EKKI** inni í þessum tölum.

### Símenntun

Með tilkomu „teams“ og „zoom“ fundu vegna Covid höfðu starfsmenn greiðan aðgang að námskeiðum. Landskerfi bókasafna innleiddi nýja bókasafnskerfið í byrjun júní 2022 og sóttu starfsmenn fjölmörg námskeið til að læra á nýja kerfið. Þetta kerfi er upphaflega gert fyrir háskólasöfn og verður að segjast eins og er að það hentar litlum almenningsbókasöfnum ekki sem skyldi. Nú þegar búið er að nota nýja kerfið í rúmlega hálf tveimur árum er komin ágætis reynsla á

Það. Stefna bókasafnsins er að veita persónulega þjónustu og hefur sá möguleiki minnkað með nýja kerfinu. Hinir ýmsu fundir voru haldnir í gegnum teams eða zoom og tók forstöðukona þátt þegar hægt var. Forstöðukona sótti málþing Upplýsingar sem haldið var í nóvember og einnig fjölmarga fundi sem meðstjórnandi í FSA sem er félag forstöðumanna almenningsafna.

## Helstu verkefni ársins 2022

Vegna fyrirhugaðrar innleiðingar nýja bókasafnskerfisins var ákveðið að gera ekki starfsáætlun fyrir árið 2022 þar sem ekki var nákvæmlega vitað hvenær það yrði tekið í notkun. Í staðinn var haldin verkefnadagbók og hér á eftir er upptalning á því helsta sem gert var á árinu 2022.

1. Fyrri hluti ársins var notaður í að fara yfir allan bókakost beggja safnanna, grisjað og afskrifað það sem engin not voru fyrir, úreltar fræðibækur, gamlar illa farnar bækur og tímarit.
2. Farið var yfir bókakost barnadeildar í mars og grisjað.
3. Apríl og maí fór í að þrifa allan bókakost og hillur.
4. Í maí hófst innleiðing nýja bókasafnskerfisins og um tíma var verulega skert þjónusta þar sem ekki var hægt að nýta alla möguleika gegnis. Eingöngu var hægt að lána út og skila bókum.
5. Keypt var ný hillustæða inn í tímaritaherbergið í bókasafninu á Ólafsfirði
6. Helsta verkefni ársins var að sjálfsögðu innleiðing nýja bókasafnskerfisins og þær miklu breytingar sem því fylgja.
7. Mikið af námsskeiðum á teams frá júní og út árið vegna nýja bókasafnskerfisins. Einnig útbjó Landskerfi flokk af youtube myndböndum sem mikill tími fór í að horfa á og læra á nýja kerfið.



## Viðburðir og sýningar

- Hannyrðakvöldin sem eru annað hvert þriðjudagskvöld yfir vetrarmánuðina.
- Fastar sýningar eru í glerskápum allt árið. Þar má meðal annars sjá muni úr eigu gamla Sparisjóðsins, muni frá Karlakórnum Vísi, fágætar bækur úr Hraunasafni og hina ýmsu muni sem fundist hafa í kössum hér við tiltekt. Líka má nefna leikföng frá fimmta áratug síðustu aldar og margt fleira. Gömul skrá frá Óla Blöndal fannst við tiltekt og þar má sjá uppruna hluta þessarra muna.
- Nýtt hjá okkur eru foreldramorgnar einu sinni í viku og hafa þeir verið vel sóttir.
- Bókasafnið tók þátt í viðburðum Alþýðuhússins í júlí. Sett var upp vídeósýning sem stóð yfir dagana 16-20 júlí.

## Lokaorð

Mikið hefur áunnist síðustu árin bæði á bóka- og héraðsskjalasafninu. Þetta ár var öðruvísi en oft áður þar sem meirihluti ársins fór í að aðlagast nýja bókasafnskerfinu. Enn á eftir að læra fyllilega á möguleika þess og innleiða breyttar áherslur og vinnuaðferðir. Að lokum langar forstöðukonu að þakka fyrir velvild í garð bóka- og héraðsskjalasafns Fjallabyggðar.

## Héraðsskjalasafn

### Þjónusta, hlutverk og meginmarkmið

Lögbundið hlutverk Héraðsskjalasafns Fjallabyggðar er að taka við skjölum afhendingarskyldra aðila, þ.e. sveitarfélagsins og stofnana þess, skrá skjölin og varðveita þau á viðurkenndan hátt. Héraðsskjalasafnið tekur einnig við einkaskjölum, t.d. bréfasöfnum, dagbókum og skjölum félaga og fyrirtækja. Héraðsskjalasafnið hefur verið starfrækt á Siglufirði síðan árið 1984 og frá árinu 2006 undir merkjum sameiginlegs sveitarfélags Fjallabyggðar. Ekki hefur verið tími né mannskapur til að sinna skjalasafninu sem skyldi í gegnum árin og enginn fastur starfsmaður eða skjalavörður var hluta af þeim tíma sem skjalasafnið hefur starfað. En eins og máltækið segir „kemst þó hægt fari“ og seinni ár hefur starfinu miðað ágætlega þó enn sé afar mikið verk óunnið. Á seinni hluta ársins 2017 var unnin opinber stefnumótun fyrir héraðsskjalasafnið og var hún samþykkt í bæjarráði snemma á árinu 2018. Þetta er stórt skref í þá átt að gera skjalasafnið virkt og uppfylla þau lög og reglugerðir sem gilda um héraðsskjalasöfn. Svo við vitnum í orð fyrrum bæjarstjóra okkar, Gunnars Birgissonar, „þá er með því að starfrækja héraðsskjalasafn, lagður traustur grundvöllur fyrir því að varðveita skjöl einstaklinga, félagasamtaka og fyrirtækja í bænum á heimaslóðum. Það er mikilvægt því saga okkar er margbrotnari en svo að hún verði eingöngu skoðuð í opinberum skjölum“ (Ársrit héraðsskjalasafns Kópavogs, 2010, bls. 5).

### Húsnæðismál

Héraðsskjalasafnið er staðsett á annarri hæð ráðhússins að Gránugötu 24 Siglufirði. Vinnuástaða skjalavarðar er á 1. hæð. Samtals hefur héraðsskjalasafnið yfir um það bil 70 fm<sup>2</sup> að ráða. Aðstaða og aðgengi fyrir gesti héraðsskjalasafnsins er samnýtt með bókasafninu og er ágætis aðstaða fyrir gesti þar sem þeir geta sest niður og grúskað. Afgreiðslutími er eftir samkomulagi við starfsmenn héraðsskjalasafns.

## Rekstur og fjárveitingar

Áætluð rekstargjöld með tilliti til tekna árið 2022 voru **10.005.966** en rauntölur urðu kr.

**9.800.837**. Áætluð rekstargjöld með tilliti til tekna árið 2021 voru kr. **10.329.409** en rauntölur urðu kr. **9.458.899**.

## Mannauður

Bylgja Hafþórsdóttir í 15% starfi allt árið. Gíslný Halldóra Jónsdóttir í 50% starfi allt árið, forstöðukona, Hrönn Hafþórsdótti í 50% starfi allt árið. Stöðugildin eru 1.15 sem er óbreytt frá fyrra ári.

## Símenntun

Héraðsskjalavörður sótti reglulega teams og zoom fundi hjá félagi héraðsskjalasafna. Ráðstefna var haldin á Dalvík en aðstæður leyfðu ekki að héraðsskjalavörður gæti sótt hana.


## Helstu verkefni

Helstu verkefni starfsmanna héraðsskjalasafnsins á árinu voru skráning eldri skjala stjórnsýslunnar sem voru í skjalageymslu 3. hæðar ráðhússins. Mikið af gögnum þaðan sem mikil vinna er að skrá. Einnig barst afar stór sending frá Arion banka og bíður það skráningar. Afhendingar sem bárust á árinu var ekki hægt að flokka og skrá jafnóðum og þær bárust, þar sem eldri skjöl stjórnsýslunnar voru í forgangi. Þegar þetta er skrifað er unnið að því að skrá 2022 afhendingar. Afhendingar til héraðsskjalasafnsins á árinu 2022 voru 15 og skiptast þær þannig:

- Einkaskjalasöfn – 9
- Félög – 1
- Fyrirtæki – 1
- Opinber skjöl – 5
- Annað – 0

Samtala skráðra hillumetra á árinu eru tæpir 8 metrar sem skiptast þannig:

Einkaskjalasöfn (einst., fyrirtæki, félagasamtök) – 2,66m og opinber skjöl – 4,9 m.



Á árinu 2013 voru afhendingar 13, árið 2015 voru afhendingar 30, árið 2017 voru afhendingar 35. Á árinu 2019 voru afhendingar 38 og árið 2021 voru afhendingar 23. Þegar þetta er skrifað eru afhendingar ársins 2022 langt frá því að vera fullskráðar. Stærsta verkefnið þetta árið eru skjöl stjórnsýslunnar sem áður var minnst á og eru skjölin sem búið er að skrá bara þetta árið orðin 4.655 talsins.

Önnur verkefni má helst nefna að unnið er að því að umbreyta filemaker skjölum yfir í pdf svo hægt sé að gera þau aðgengileg á heimasíðu. Þetta er afar seinlegt og tekur langan tíma.

Héraðsskjalasafnið er alltaf að verða meira og meira sýnilegt og auðveldara er en áður að svara fyrirspurnum þar sem sífellt meira af gögnum er skráð. Formlegar fyrirspurnir á árinu 2022 voru 29.

- Tölvupóstur – 10
- Komur – 12
- Símtöl – 5
- Facebook – 2

Einnig var nokkuð um að fólk kæmi og bæði um að fá ákveðin skjöl til að nota við skrif eða rannsóknarvinnu. Er ánægjulegt hversu þessum heimsóknum hefur fjölgað.

Hluti einkaskjalasafna í eigu héraðsskjalasafnsins eru aðgengileg á vefnum [einkaskjalasafn.is](http://einkaskjalasafn.is) og stöðugt bætist við.

Á árinu var keyptur I-pad og er hann notaður í að taka myndir af gögnum sem beðið er um og þær sendar á viðtakanda oftast í tölvupósti en líka á messenger. Áður hafði héraðsskjalavörður notað sinn persónulega I- pad en það var ekki raunsætt lengur vegna fjölda sendinga.

### Lokaorð

Mikið hefur áunnist síðustu ár varðandi aðstöðu og búnað héraðsskjalasafnsins. Stefnumótunin hefur skilað sínu og alltaf færumst við nær því að uppfylla þau lög og reglur sem gilda varðandi héraðsskjalasöfn. Ekki náðist að græja ljósmyndabúnaðinn þetta árið. Mikið er framundan en ekki er talið tímabært að upplýsa um það að sinni.

## Upplýsingamiðstöð ferðamála í Fjallabyggð

Allt árið 2022

### Opnunartími

Upplýsingamiðstöð ferðamála er opin allt árið. Hún hefur verið staðsett hin síðustu ár í Bókasafni Fjallabyggðar bæði á Siglufirði og í Ólafsfirði. Opnunartími Upplýsingamiðstöðvar fylgir opnunartíma bókasafnanna. Áður hefur verið opið frá 1. júní til 31. ágúst, þegar flestir ferðamenn sækja Fjallabyggð heim er opnunartími frá kl. 09.00-12.00 og 13.00-17.00 virka daga á báðum stöðum. Lokað er þó í Ólafsfirði á morgnana á meðan á sumarleyfi starfsmanns stendur. Ekki var opið um helgar þetta sumarið. Lokað er á stórhátíðardögum.

### Rekstur og fjárveitingar

Áætluð rekstrargjöld Upplýsingamiðstöðvar voru á árinu 2022 kr. **7.968.095** en rauntölur urðu kr. **5.737.769**. Áætluð rekstrargjöld Upplýsingamiðstöðvar voru á árinu 2021 kr. **7.377.043**. Raungjöld árið 2021 urðu kr. **5.384.629**. Lægri rauntölur eru vegna lægri launakostnaðar en lagt var upp með. Skýrist það af því að ferðamannafjöldi hefur enn ekki náð sér á strik eftir Covid. Vonandi breytist það nú á árinu 2023. Meginkostnaður við rekstur upplýsingamiðstöðvar felst enn sem áður í launum, launatengdum kostnaði og innri húsaleigu. Þær tölur gefa okkur samanlagt kr. 5.446.234. Af þessu má sjá að fjármagn sem Upplýsingamiðstöð hefur yfir að ráða er ekki mikið. Þetta er mögulegt eingöngu vegna þess að öll aðstaða og búnaður er samnýttur með bókasafni. Þessu hefur verið mætt með því að gönguleiðakort sem Upplýsingamiðstöð kaupir eru seld og tekjurnar fær bókasafnið upp í kostnað vegna samnýtingarinnar. Á árinu var þó keypt tölva fyrir gesti og er hún samnýtt með gestum bókasafns.

### Mannauður


Vegna Covid 19 áhrifa og fækkunar ferðamanna var eingöngu ráðinn einn starfsmaður þetta sumarið, (júní, júlí og ágúst). Eva Hrund Unnarsdóttir (tímavinna) sem var bæði á Siglufirði og Ólafsfirði. Frá og með 1. nóvember 2017 eru tveir starfsmenn með fast 10% starfshlutfall hvor, Vilhjálmur Hróarsson á Ólafsfirði og Bylgja Hafþórsdóttir á Siglufirði.

## Ferðamenn

Eins og áður er talið allt árið bæði á Siglufirði og í Ólafsfirði.

### Siglufjörður – ferðamenn

Sá fjöldi ferðamanna sem var fyrir Covid hefur enn ekki skilað sér og ekki var talin þörf á að aðgreina eftir þjóðerni eins og áður. Ferðamenn sem sóttu upplýsingamiðstöðina á Siglufirði allt árið 2022 voru 897 og mest kom í júlí eða 276. 141 komu í júní og 206 í ágúst. Það virðist því vera að aukast, rólega þó, ferðamannastraumurinn hingað til Fjallabyggðar. Árið 2021 voru ferðmenn sem sóttu Upplýsingamiðstöðina alls 677. Árið 2020 komu ekki nema 241 á Upplýsingamiðstöðina (Covid). Alls komu 2.577 ferðamenn á Upplýsingamiðstöðina á Siglufirði árið áður eða 2019 og er það tölurverð fækkun frá árinu 2018 en þá sóttu 3.860 ferðamenn Upplýsingamiðstöðina heim.




### Ólafsfjörður – ferðamenn

Fjöldi þeirra ferðamanna sem sækir Upplýsingamiðstöðina í Ólafsfirði fer fækkandi. Það voru aðeins 68 ferðamenn sem er þó aðeins auking miðað við covid árin 2020 og 2021.

Ferðamenn sem sóttu Upplýsingamiðstöðina á Ólafsfirði voru aðeins 31 árið 2020 og var það í júní, júlí og ágúst. Alls komu 160 ferðamenn á Upplýsingamiðstöðina á Ólafsfirði 2019 og er það fækkun frá árinu 2018 en þá komu alls 302 ferðamenn á Upplýsingamiðstöðina, Ólafsfirði.

Möguleiki er að þessi fækkun sé að hluta til komin vegna Upplýsingamiðstöðvar í Kaffi Klöru sem er betur staðsett en Upplýsingamiðstöð Fjallabyggðar.



### Algengustu fyrirspurnir ferðamanna

Algengustu fyrirspurnirnar voru eins og áður um gönguleiðir og leiðsögn. Mikið var spurt um staðina sem tengjast sjónvarpsþáttunum *Ófærð* og líka um staðina í bókum Ragnars Jónassonar. Hvers konar útivist verður æ stærrí þáttur í fyrirspurnunum eins og hvar séu hestaleigur, hvalaskoðun, bátsferðir, skíði og þ.h. Aðrar fyrirspurnir helstar voru varðandi tjaldsvæðið, Síldarminjasafnið, þvott, netsamband, bílaverkstæði, veðrið og minjagrip. Eins og áður var leit þeirra að aðgangi að salerni alltof algeng, vantar sárlega almenningssalerni hér sem opin eru allt árið.

### Lokaorð

Ársskýrslan þetta árið er stutt og laggóð. Ekki var um neinar stórvægilegar breytingar að ræða á árinu 2022. Upplýsingamiðstöðin þarf að vera öflug og geta sinnt ferðamönnum af metnaði. Fjallabyggð hefur upp á svo margt að bjóða og það er okkar hér í Fjallabyggð að skapa aðstæður og hafa þann aðbúnað sem þarf til að gera dvöl ferðamannsins sem ánægjulegasta.



